

增壹阿含經卷第四十九

松九

符秦建元年三藏曇摩難提譯

大愛道般涅槃品第五十二

聞如是一時佛在毗舍離普會講堂所與大比丘眾五百人俱。爾時大愛道遊於毗舍離城高臺寺中與大比丘尼眾五百人俱。皆是

益

羅漢諸漏已盡。爾時大愛道聞諸比丘說如來不久當取滅度。不過三月當在拘夷那竭娑羅雙樹間。爾時大愛道便作是念。我不堪任。見如來取滅度亦復不堪。任見阿難取滅度。我今宜可先取滅度。爾時大愛道便往至世尊所。頭面禮足。在一面坐。爾時大愛道前

白佛言。我聞世尊不久當取滅度。却後不過三月。在拘夷那竭娑羅雙樹間。我今不堪見世尊及阿難取滅度也。唯願世尊聽我先取滅度。爾時世尊默然可之。爾時大愛道重白佛言。自今已後。唯願世尊與諸比丘尼說戒。佛告之曰。我今聽比丘尼

還與比丘尼說禁戒。如我本所施行禁戒。無令差錯。爾時大愛道前禮佛足。在佛前立。爾時大愛道復白佛言。我今更不見如來顏色。亦復不見將來諸佛不受胞胎。亦更無為今日違離聖顏。亦更不覩時大愛道遶佛七匝。亦復遶阿難七匝。盡遶諸比丘眾。便退而去。還詣比丘尼眾中。告諸比丘尼曰。我今欲入無為涅槃界。所以然者。如來不久當取滅度。汝等各宜隨時所行。爾時差摩比丘尼優鉢色比丘尼。基利施比丘尼。舍仇黎比丘尼。奢摩比丘尼。鉢陀蘭遮比丘尼。婆羅遮羅比丘尼。迦旃延比丘尼。闍耶比丘尼。及五百比丘尼。往至世尊所在。一面立。爾時五百比丘尼差摩比丘尼。最為上首。而白佛言。我等諸人聞如來不久當取滅度。我等不忍見世尊及阿難先取滅度。唯願世尊聽我等先取滅度。我等今取涅槃。正是其宜。爾時世尊默然可之。時差摩比丘尼及五百比丘尼。見世尊默

然可之前礼佛足遶三匝便退而去還詣本房時大愛道閉講堂門擊捷椎於露地敷坐具騰在虛空於虛空中坐卧經行或出火炎身下出煙身上出火身下出水身上出煙舉身放燄舉身放煙左脅出水右脅出火右脅出水左脅出火前出火後出水前出水後出

松九

二

火舉身出火舉身出水尔時大愛道作若干變化還在本座結跏趺坐正身正意繫念在前而入初禪從初禪起而入第二禪從第二禪起而入第三禪從第三禪起入第四禪從第四禪起入空處從空處起入識處從識處起入不用處從不用處起入有想無想處從有想無想處起入想知滅從想知滅起還入有想無想處從有想無想處起還入不用處從不用處起還入識處從識處起還入空處從空處起還入第四禪從四禪起還入三禪從三禪起還入二禪從二禪起還入初禪從初禪起還入二禪從二禪起還入三禪從三

禪起還入四禪已入四禪便取滅度尔時天地大動東踊西沒西踊東沒四邊都踊中央沒又四面涼風起諸天在空作倡妓樂欲界諸天涕零悲泣猶如春月天降甘雨神妙之天雜碎優鉢華香又雜碎栴檀而散其上尔時差摩比丘尼優鉢色比丘尼基黎施瞿

曇彌比丘尼舍瞿離比丘尼奢摩比丘尼鉢陀蘭遮比丘尼婆羅遮羅比丘尼迦旃延比丘尼闍耶比丘尼如此上首五百比丘尼等各於露地敷坐飛在虛空於虛空中坐卧經行作十八變乃至入想知滅各取滅度尔時毗舍離城內有大將名曰耶輸提將五百童

松九

三

子集普會講堂有所講說時耶輸提及五百童子逢見五百比丘尼作十八變見已歡喜踊躍無量各共叉手而向彼所尔時世尊而告阿難曰汝往至耶輸提大將所而告之曰速辦五百牀具五百坐具五百瓶酥五百瓶油五百鬘華五百裏香五百車薪尔時阿難

前白佛言不審世尊欲何施爲

佛告之曰大愛道已取滅度及五百比丘尼泥洹我等欲供養舍利尔時阿難悲泣交集不能自勝大愛道取滅度何其速哉尔時阿難以手揮淚便往至耶輸提大將所尔時耶輸提遙見阿難來皆起前迎並作是說善來

阿難欲何所告勅又行非常尔時阿難報曰我是佛使欲有所告勅時大將咸共問曰欲何所告勅阿難報曰世尊告大將曰當辦五百牀具五百坐具五百瓶酥五百瓶油五百輦花五百裹香五百車薪大愛道及五百比丘尼皆取滅度我等欲往供養舍利尔時大將悲泣交集而作是說大愛道取滅度何其速哉及五百比丘尼取滅度甚爲速哉誰當教授我等教化分檀布施尔時耶輸提大將即辦五百牀具五百坐具五百瓶油酥薪及諸耶維之具往至世尊所頭面礼足在一面立尔時耶輸提大將白世尊言如來所約勅供

養之具今日已辦佛告之曰汝今各取大愛道身及五百比丘尼身出毗舍離到曠野之處吾欲於彼供養舍利耶輸提大將白佛言唯然世尊是時長者即往至大愛道寺所告一人曰汝今施梯登墻入內徐徐開門無令有聲是時彼人如彼教勅即入開門復勅五

百人各舉輦舍利著于牀上尔時有二沙弥尼在一名難陀二名優般難陀是時二沙弥尼語大將曰止止大將勿觸擾諸師耶輸提大將報曰汝師不爲睡眠皆取滅度尔時二沙弥尼聞諸師皆取滅度心懷恐怖即自思惟觀有習之法皆是盡法即於坐處得三明

大通尔時二沙弥尼即飛在虛空中先至曠野之中作十八變坐卧經行身出水火變化無量即於無餘涅槃界而取般涅槃尔時世尊將諸比丘僧前後圍遶往至大愛道比丘尼寺尔時世尊告阿難難陀羅云汝等舉大愛道身我當躬自供養是時釋提桓因知世

尊心中所念即從三十三天上譬如力人屈伸臂頃來至毗舍離到世尊所頭面礼足在一面立其中漏盡比丘皆見釋提桓因及三十三天其不漏盡有欲比丘及比丘尼優婆塞優婆夷未漏盡者亦不見釋提桓因及三十三天尔時梵天王遙知如來心中所念將諸梵天從梵天上沒來至世尊所頭面礼足在一面立

尔時毗沙門天王知世尊心中所念將諸闍义鬼神到如來所頭面礼足在一面立尔時提地賴吒天王將諸乾沓和從東方來至如來所頭面礼足在一面立毗婁勒义天王將諸無數拘繫茶從南方來至世尊所頭面礼足在一面立毗婁波叉天王將諸龍神來至如來所頭面礼足在一面立及欲界色界無色界諸天各各知如來心中所念來至世尊所頭面礼足在一面立

松九

五

世尊勿自勞神我等自當供養舍利佛告諸天止止天王如來自當知時此是如來所應修行非是天龍鬼神所及也所以然者父母生子多有所益長養恩重乳哺懷抱要當報恩不得不報恩然諸天當知過去諸佛世尊所生母先取滅度然後諸佛世尊皆自供養耶維舍利正使將來諸佛世尊所生之母先取滅度然後諸佛以此方便知如來應自供養非天龍鬼神所及也尔時毗沙門天王告五百鬼曰汝等往至栴檀林中取栴檀薪來當供養耶維時五百鬼聞天王語已即往至栴檀林中取栴檀薪來至曠野之間是時世尊躬自舉鉢一脚難陀舉一脚羅云舉一脚阿難舉一脚飛在虛空往至彼冢間其中四部之衆比丘比丘尼優婆塞優婆夷舉五百比丘尼舍利至大家間尔時世尊告耶輸提大將曰汝今更辦二鉢具二坐具二車薪香華供養二沙弥尼身耶輸提大將白佛言唯

然世尊尋時即辦供養之具。爾時世尊以栴檀木各傳與諸天。是時世尊復告大將曰：汝今各取五百舍利，各分別而供養之。二沙彌尼亦復使然。時大將受佛教已，各各分別而取供養。即取耶維。爾時世尊復以栴檀木著大愛道身上。爾時世尊便說斯偈：

一切行無常 生者必有盡 不生則不死 此滅為最樂

爾時諸天人，民皆悉雲集在於冢間。天人大眾十億，姪那術。他時大將火滅已，復取舍利而起。偷婆佛告大將曰：汝今取五百比丘尼舍利，與起偷婆。長夜之中受福無量。所以然者：世間有四人起於偷婆云：何為四？若有人與如來至真等正覺起於偷婆，與轉輪聖王與辟支佛及如來弟子漏盡阿羅漢，與起偷婆者受福無量。爾時世尊與諸天人民說微妙之法，勸令歡喜。爾時天與人有一億諸塵垢盡，得法眼淨。爾時諸天人民乾沓和阿須

松九

六

倫四部之眾聞佛所說歡喜奉行。

聞如是一時佛在舍衛國祇樹給孤獨園，與大比丘眾五百人俱。爾時舍衛城內有比丘尼名曰婆陀，將五百比丘尼於彼遊化。時婆陀比丘尼在閑靜之處而自思惟，結跏趺坐，繫念在前，自憶無數宿命之事，復自笑有比丘尼遙見婆陀比丘尼，笑見已，便生至比丘尼所。今婆陀比丘尼獨在樹下而笑，將有何緣？時五百比丘尼即相將至婆陀比丘尼所，頭面禮足。爾時五百比丘尼白婆陀曰：有何因緣獨坐樹下而笑耶？爾時婆陀比丘尼告五百比丘尼曰：我向者在此樹下自憶無數宿命之事，復見昔日所經歷身死，此生彼皆悉觀見。時五百比丘尼復白言：准願當說曩昔之緣。時婆陀比丘尼告五百比丘尼曰：過去久遠九十一劫有佛出世，名曰毗婆尸。如來至真等正覺明行，成為善逝。世間解無上士道法，御天人師。号佛眾祐出現於世。爾時

世界名槃頭摩人民熾盛不可稱計

尔時如來遊彼國界將十六萬八千比丘眾前後圍遶而為說法時佛名号流布四遠毗婆尸佛者眾相具足是一切人良祐福田尔時彼國界中有童子名曰梵天顏貌端正世之希有時彼童子手執寶蓋而行詣街巷中

松九

七

時有居士婦亦復端正亦從此道行眾人皆共觀看時童子便作是念我今亦復端正手執寶蓋眾人皆不觀視我身此諸人民皆共觀此女人我今要當作方便使人觀視我時彼童子即出彼城往至毗婆尸佛所手執寶華供養七日七夜亦作誓願設當毗婆尸佛

有此神足有此神力是世間無上福田持此功德使我將來之世作女人身人民見之莫不喜踊尔時彼童子七日七夜供養彼佛已隨命長短後便生三十三天於彼復作女身極為端正玉女中第一以五事功德勝彼天女云何為五所謂天壽天色天樂天威福天

自在時三十三天見已各自說曰此天女者極為殊妙無與等者其中或有天子作是說此天女我應得以為天后各相競爭時大天王說曰汝等勿共聞訟其中能說極妙偈者便以此天女與之作婦尔時有一天子便說斯偈

若起若復坐 寤寐無有歡 設我眠睡時 然後乃無欲

尔時復有天子而說斯偈

汝今故為樂 於眠無念想 我今興欲念 如似打戰鼓

尔時復有天子而說斯偈

設復打戰鼓 猶有休息時 我欲馳速疾 如水流不停

尔時復有天子而說斯偈

如水漂大木 猶有休息時 我恒思想欲 如殺象不眴

尔時諸天中最尊天子與諸天人而說斯偈

汝等猶閑暇 各能說斯偈 我今不自知 為存為亡乎

尔時諸天人白彼天子曰善哉天子所說偈者極為清妙今以此天女奉貢天王尔時天女即入天王宮汝等諸妹勿有猶豫所以然者尔時童子供養佛上寶蓋者豈異人乎莫

松九

八

作是觀尔時童子身者即我身是也過去三十一劫中有式詰如來出現於世遊化於野馬世界與大比丘眾十六萬人俱尔時彼天女後便命終而生人中受女人身極為端正世之希有時式詰如來到時著衣持鉢入野馬城乞食時彼天女人復為長者婦以好飲

食奉上式詰如來並作誓願持此功德之業所生之處莫墮三惡趣顏貌端正與人殊異尔時彼女人後便命終生三十三天於彼復作女人身極為端正有五事功德勝彼諸天尔時天女豈異人乎莫作是觀所以然者時女人者則我身是即於彼劫毗舍羅婆如來

出現於世尔時天女隨壽長短命終之後來生人中受女人身顏貌端正世之希有復與長者居士作婦尔時長者婦復以妙衣好服奉上如來發此誓願使我將來之世得作女人身時彼婦人命終之後生三十三天顏貌端正勝彼天女尔時彼女人者豈異人乎莫

作斯觀所以然者尔時女人者則我身是時彼女人隨壽長短命終之後來生人中在波羅捺大城與月光長者作婢顏貌醜人所惡見自毗舍羅婆去世更無佛出尔時辟支佛遊化時月光長者婦告其婢曰汝在外遊行求覓沙門顏貌端正入吾意者將來在家

松九

九

吾欲供養尔時彼婢即出家中在外求覓沙門遇見辟支佛城內游乞然彼顏貌醜惡姿色醜弊時彼婢使語辟支佛曰大家欲見願屈至家即入白主沙門已至可往相見時長者婦見沙門已心不歡樂即語其婢此還發遣吾不布施所以然者由其顏貌醜弊故尔

時其婢語夫人曰設不惠施沙門者我今日所應食分盡用惠施時彼夫人即出食分細麩一斗時彼婢使授與沙門時辟支佛受此食已飛在虛空作十八變時長者婢復作誓願持此功德所生之處莫墮三惡趣使我將來之世得作女身極爲端正時彼辟支佛手擎鉢飯遠城三市時月光長者將五百商人集會普會講堂時彼城中男女大小見辟支佛擎鉢飯飛在虛空見已自相謂言斯是何人功德乃尔乎誰遇此辟支佛飲食惠施時長者婢白夫人曰願出觀看沙門神德飛在虛空作十八變神德無量時長者婦告其婢曰汝今所惠施沙門之食設獲福者盡持與我我當與汝二日食直其婢報曰我不堪任以福相與夫人告曰與汝四日食直乃至十日食直其婢報曰我不堪任以福相與夫人告曰我今與汝百枚金錢其婢報曰我亦不須夫人復告與汝二百乃至千枚金錢其

婢報曰我亦不須夫人告曰我免汝身使不作婢其婢報曰我亦不須求爲良人夫人復告汝爲夫人我爲婢使其婢報曰我亦不須求爲良人夫人告曰我今當取汝搥打毀杙耳鼻截汝手足當斷汝頭其婢報曰如斯之痛盡堪任受終不以福而相惠施身屬大家心善各異尔時長者婦即搥打其婢時五百商人各作斯論此神人者今來乞食必當是我家施與時月光長者發遣諸人還來入家見夫人取婢鞭打即問之曰以何因緣而鞭此婢時婢便以斯因緣具白時月光長者歡喜踊躍不能自勝即攝夫人爲婢使其婢身代夫人處

松九

十

增職位時長者婢隨壽長短命終之後生三十三天顏貌殊妙世之希有有五事功德勝彼諸天諸妹莫作是觀。尔時長者婢者即我身是也。於此賢劫中有佛出世名拘樓孫如來時彼天女隨壽長短命終之後生於人中。尔時與耶若達梵志作女時此女人復飯如來發此誓願求作女人身後命終生三十三天顏貌端正勝諸天女復從彼命終生於人中。尔時拘那含牟尼佛出現於世時彼天女為長者女復以金華供養拘那含牟尼佛持此功德所生之處莫墮三惡趣使我後身得作女人身時此女人隨壽長短命終之後生三十三天於彼端正出眾天女上有五事功德而不可及。尔時長者女供養拘那含牟尼佛豈異人乎莫作斯觀。尔時女人則我身是時彼天女隨壽長短來生人中復與長者作婦顏貌殊特世之希有。尔時迦葉如來出現於世時彼長者婦七日七夜供養迦葉佛發

松九

十一

此誓願言使我將來世得作女身時長者婦隨壽長短命終之後生三十三天有五事功德勝彼天女。尔時長者婦供養迦葉佛者豈異人乎莫作斯觀。尔時長者婦則我身是於此賢劫釋迦文佛出現於世時彼天女命終之後生羅閱城中與劫毗羅婆羅門作女顏貌端正出諸女表劫毗羅婆羅門女正似紫磨金像至彼女人所黷黹如似墨意不貪五欲諸妹莫作斯觀。此女人身豈異人乎。尔時婆羅門女者則我身是諸妹當知緣昔日功報與比鉢羅摩納作婦所謂摩訶迦葉是尊大迦葉先自出家後日我方出家自憶昔日所經歷女人之身是以今故自笑耳。我以無智自蔽供養六如來求作女人身以此因緣故笑。昔日所經歷尔時眾多比丘聞婆陀比丘尼自憶宿命無數世事即往世尊所頭面礼足在一面坐以此因緣具白如來。尔時世尊告諸比丘汝等頗見聲聞之中比

丘尼自憶無數世事如斯人乎諸比丘白佛不見也世尊佛告諸比丘我聲聞中第一弟子自憶宿命無數世事劫毗羅比丘尼是尔時諸比丘聞佛所說歡喜奉行

聞如是一時佛在舍衛國祇樹給孤獨園尔時有一比丘往至世尊所頭面礼足在一而坐須臾退坐前白佛言劫為長短為有限乎佛告比丘劫極長遠我今與汝引譬專意聽之吾今當說尔時比丘從佛受教世尊告曰

比丘當知猶如鐵城縱廣一由旬高一由旬芥子滿其中無空缺處設有人來百歲取一芥子其鐵城芥子猶有減盡然後乃為一劫不可稱計所以然者生死長遠無有邊際眾生恩愛縛著流轉生死死此生彼無有窮已我於其中厭患生死如是比丘當求巧便免此愛著之想尔時諸比丘聞佛所說歡喜奉行

增壹阿舍經卷第四十九

十末

松九

仇梨上音求柘之反椎直追反脅虛業反舉余預音隆音
乳步下音囊乃黨反灑反杌苗反眴詩閏反暇音
黠上烏反舉居與反也作李 | 一
黠下他感反舉也 | 一

增壹阿舍經卷第五十

松十

符秦建元二年三藏曇摩難提譯

大愛道般涅槃品第五十二

聞如是一時佛在舍衛國祇樹給孤獨園尔時有一比丘至世尊所頭面礼足在一面坐尔時彼比丘白世尊曰劫為長遠佛告比丘

劫極長遠不可以筭籌量我今當與汝引譬喻善思念之吾今當為汝說尔時彼比丘從佛受教世尊告曰譬如大石山縱廣一由旬高一由旬設有人來手執天衣百歲一拂石猶摩滅劫數難限所以然者劫數長遠無有邊際如此非一劫百劫所以然者生死長遠